

## **Գաղտնիության քաղաքականություն**

Հարգելի՛ օգտատեր, օգտվելով մեր կայքից (այսուհետ՝ Կայք)՝ Դուք տալիս եք Ձեր համաձայնությունը սույն գաղտնիության քաղաքականության դրույթներին:

«Հայ Հերոս» հարթակը բարձր է գնահատում Ձեր աջակցությունը և ձեռնարկում բոլոր միջոցները Ձեր տեղեկատվության գաղտնիությունը պաշտպանելու համար: Այս հայտարարությունը վերաբերում է այցելուների կողմից Կայքին տրամադրված տեղեկատվությանը և այդ տեղեկատվության պահպանմանը, օգտագործմանը և տարածմանը:

Կայքի միջոցով հավաքագրվող անձնական տվյալները կիրառվում են միայն «Հայ Հերոս» հարթակի նպատակների իրականացման համար, մշակվում են օրենսդրության դրույթների պահպանմամբ և չեն վաճառվում: Կայքից օգտվելիս Ձեր նույնականացման համար Ձեզնից որոշակի ինֆորմացիա (օրինակ՝ անուն, ազգանուն, էլեկտրոնային հասցե, հեռախոսահամար և այլն) պահանջելու դեպքում կարող եք վստահ լինել, որ այն կօգտագործվի բացառապես սույն գաղտնիության քաղաքականությամբ սահմանված կարգով:

## **ԿԱՅՔԻ ՀԱՆՐԱՄԱՏՉԵԼԻՈՒԹՅՈՒՆ ԵՎ ԵՐՐՈՐԴ ԿՈՂՄԻ ԿՈՂՄԻՑ ՍՏԱՑՎՈՂ ՏԵՂԵԿԱՏՎՈՒԹՅՈՒՆ**

Կայքը ստեղծված է հանրային օգտագործման համար:

«Հայ Հերոս» Կայքը այցելուներից չի պահանջում գրանցվել, տրամադրել անձնական տեղեկատվություն կամ ստեղծել անձնական էջ՝ Կայքը դիտելու կամ Կայքի ֆունկցիոնալ դաշտերից օգտվելու համար. այն հանրամատչելի է: Դուք պարտավոր չեք տրամադրել Ձեր վերաբերյալ որևէ անձնական տեղեկատվություն: Նման ձևով Կայքից օգտվելու ժամանակ մենք չենք հսկում կամ հավաքագրում Ձեր անձը նույնականացնող որևէ տեղեկություն:

Կայքում Հերոսի էջ բացելու կամ արդեն առկա էջում տեղեկատվություն և/կամ նկար տեղադրելու կամ փոփոխություն իրականացնելու համար անհրաժեշտ է գրանցվել և ունենալ օգտահաշիվ, Կայքում բացված ամեն Հերոսի էջ պարունակում է անձնական տեղեկատվություն տվյալները մուտքագրող անձի և/կամ կազմակերպության, ինչպես նաև նվիրաբերողների մասին (եթե վերջիններս չեն նախընտրել մնալ գաղտնի): Դրա նպատակն է ապահովել ներբեռնած տեղեկատվության թափանցիկությունը և

հաշվետվողականությունը՝ «Հայ Հերոս» հարթակում տեղադրված տեղեկատվության և հավաքագրած միջոցների վերաբերյալ:

Այս տվյալները Հարթակը ստանում է Օրենքով սահմանված կարգով և տեղադրում կայքում: Ընդ որում՝ տվյալները բաց չեն հանրության համար ավտոմատ կերպով, տեսանելի է միայն տեղեկատվություն մուտք անող օգտատերի անունը: Կայքը ոչ մի դեպքում չի հրապարակում Ձեր անձնական տվյալները:

Ցանկացած ոք, ով կգրանցվի Կայքում կարող է ներբեռնել որևէ հերոսի մասին պատմող տեղեկատվություն և ներբեռնել նկարներ:

Գրանցված օգտատերերի կողմից մուտքագրված և/կամ ներբեռնված ցանկացած տեղեկատվություն և մեդիա ֆայլ Կայքում տեղադրվում ու հանրայնացվում է միայն Կայքի խմբագրական կազմի և ադմինիստրատիվ կողմից հաստատվելուց հետո:

Կայքի խմբագիրները և ադմինիստրատիվները իրավունք ունեն

- Ձեր կողմից տեղադրված տեղեկատվությունը խմբագրելու և թարգմանելու Կայքում առկա այլ լեզուների ենթաէջերում տեղադրելու նպատակով՝ առանց հիմնական բովանդակությունը փոփոխելու:
- Ձեր կողմից տեղադրված տեղեկատվությունը տեղադրելու “Հայ Հերոս” հարթակի սոցիալական կայքերում ունեցած էջերում և Կայքի հետ փոխկապակցված այլ հարթակներում:

Արգելվում է Կայքում տեղադրել որևէ քաղաքական ուժի կամ կուսակցությանը գովերգող և/կամ վիրավորող, գովազդային նյութեր և այլ երրորդ կողմին վիրավորող տեքստեր: Նմանատիպ տեքստեր և մեդիա ֆայլեր տեղադրող օգտատերերը կզգուշացվեն և կրկնվելու դեպքում կարգելափակվեն:

## **ԻՆՉՊԵՄ Է ԿԱՅՔԸ ՀԱՎԱՔՈՒՄ ՁԵՐ ՄԱՍԻՆ ՏԵՂԵԿԱՏՎՈՒԹՅՈՒՆ, ՏՎՅԱԼՆԵՐԻ ՊԱՍԻՎ ՀԱՎԱՔԱԳՐՈՒՄ**

Կայքը Ձեզանից հավաքում է որոշ տվյալներ և հետևում Ձեր կողմից մեր Կայքից օգտվելու գործընթացին տեղեկատվության ստացման և դրան հետևելու համար նախատեսված հատուկ ավտոմատացված տեխնոլոգիաների միջոցով, ինչպիսիք են քուրքիները կամ լոգ քայլերը:

Վերոնշյալ տեխնոլոգիական միջոցները հնարավորություն են տալիս հետևել, թե որքան մարդ է օգտվում Կայքից: Ձեր ինքնությունը նման գործողությունների հետևանքով չի բացահայտվում: Դրանց միջոցով հնարավոր է գրանցել Ձեր համակարգչի/մոբայլ սարքի տեղակայվածությունը՝ Ինտերնետում համակարգի կառավարման և առաջացած խնդիրների լուծման նպատակով, և գրանցել ընդհանուր տեղեկություններ:

Քուքի (Cookie) փոքր տվյալ է, որը պահպանվում է Ձեր համակարգչի կոշտ սկավառակի վրա, երբ Դուք այցելում եք Կայք: Հիմնադրամը չի օգտագործում քուքիները անձնական տեղեկատվություն հավաքելու համար, այլ բացառապես Կայքի միջոցով նվիրաբերությունների կատարման շարժին հետևելու համար: Շատ բրաուզերներ ունեն քուքիներն անջատելու կամ արգելափակելու ֆունկցիա, սակայն, այցելելով Կայք՝ առանց դրանք անջատելու, Դուք հնարավորություն կտաք բարելավելու Կայքի հարմարավետությունը:

Կայքը հավաքում և պահպանում է որոշակի տեղեկատվություն յոգ ֆայլերում: Այս տեղեկատվությունը ներառում է ինտերնետ կանխագրի հասցեն (IP), բրաուզերի տեսակը, ինտերնետ ծառայությունների մատակարարին (ISP), պլատֆորմի տեսակը, օր/ժամ ձեռքբերված համընդհանուր տեղեկատվությունը համախառն օգտագործելու համար:

Ցանկացած իրավիճակում հիշյալ տեղեկատվությունը հավաքագրվում է Կայքն առավել հասանելի և արդյունավետ դարձնելու նպատակով և ոչ մի դեպքում չի օգտագործվում այլ կերպ:

## **ՏՎՅԱԼՆԵՐԻ ԱԿՏԻՎ ՀԱՎԱՔԱԳՐՈՒՄ (ՁԵՐ ԿՈՂՄԻՑ ՏՐԱՄԱԴՐՎՈՂ)**

Կան դեպքեր, երբ Կայքի միջոցով հավաքագրվում են տվյալներ (օրինակ՝ գրանցման ձևաթղթերի միջոցով), որոնք Դուք տրամադրում եք Հիմնադրամին՝ այդ մասին նշում կատարելով Կայքում: Այդպիսի դեպքեր են, օրինակ՝ Կայքի միջոցով կատարվող նվիրաբերությունները: Որպեսզի Կայքը հնարավորություն ունենա ընդունելու և սպասարկելու Ձեր կողմից կատարված նվիրաբերությունը՝ այն հարցում է կատարում անհրաժեշտ տեղեկատվության մասին: Մասնավորապես, Ձեր կողմից լրացվում են անուն, ազգանուն, էլ. հասցե, ուղերձ (ցանկության դեպքում):

Այն դեպքում, երբ Դուք ընտրում եք «հրապարակային» տարբերակը, դրանով տալիս եք Ձեր համաձայնությունը Կայքում տեսանելի դարձնել Ձեր կողմից կատարված

նվիրաբերության օրը, ամիսը, տարին, Ձեր կողմից նշված անուն ազգանունը, նվիրաբերության գումարը, ինչպես նաև ուղերձը՝ առկայության դեպքում:

Այն դեպքում, երբ ընտրել եք «գաղտնի» տարբերակը, դրանով համաձայնել եք, որ Կայքում երևա միայն կատարված նվիրաբերության օրը, ամիսը, տարին, գումարի չափը, ինչպես նաև ուղերձը՝ առկայության դեպքում:

Վճարումը կատարելու համար՝ Կայքի միջոցով հնարավոր է, որ լրացվի նաև Ձեր բանկային քարտի համարը: Կայքի միջոցով կատարվող նվիրաբերությունները սպասարկում է xxxxx բանկը, որի մասին նշում կտեսնեք նվիրաբերություն կատարելիս: Վճարումը կատարելիս օգտագործվում են անվտանգության միջոցառումներ, և տրամադրված տեղեկատվությունը մեզ մնում է անհայտ. դրա գաղտնիությունը կանոնակարգվում է տվյալ հարթակի գաղտնիության պայմաններով և քաղաքականությամբ:

## **Նյութերի տրամադրում**

Կայքի միջոցով Դուք կարող եք տրամադրել/ներբեռնել որոշակի նյութեր, տվյալներ, մեդիա ֆայլեր հերոսների էջերում տվյալներ լրացնելիս: Ձեր նյութերը երևալու են տվյալ հերոսի էջում, իսկ կողքը նշվելու է տեղեկատվություն ավելացնող օգտատիրոջ անունը, որը դուք նշել եք գրանցվելիս:

Ձեր՝ որպես օգտատիրոջ տվյալները երրորդ կողմին տրամադրելու համար մեզ անհրաժեշտ է Ձեր համաձայնությունը:

Ձեր տրամադրած բոլոր տեսակի նյութերը կպահվեն մեր համակարգերում: Չնայած տեխնոլոգիական չափանիշներ են օգտագործվում՝ պաշտպանելու Ձեր նյութերը չարտոնված մուտքից, բացահայտումից կամ ձևափոխումից՝ մենք չենք կարող երաշխավորել լիարժեք գաղտնիություն և գուցե որոշ դեպքերում ընտրենք կամ օրենքով պարտավոր լինենք բացահայտել այդ տեղեկությունը երրորդ կողմերին:

Ցանկացած դեպքում, երբ Դուք սեղմում եք «ուղարկել» կոճակը, դրանով հայտնում եք Ձեր համաձայնությունը՝ հավաքելու, մշակելու, օգտագործելու կամ ջնջելու Ձեր կողմից մեզ ներկայացված նյութերը:

## **ԻՆՉՊԵՄ ԵՆՔ ՄԵՆՔ ՕԳՏԱԳՈՐԾՈՒՄ ՁԵՐ ՄԱՍԻՆ ՏԵՂԵԿԱՏՎՈՒԹՅՈՒՆԸ**

Մեր կողմից հավաքագրված տվյալները մենք օգտագործում ենք բացառապես հետևյալ նպատակներով.

- մեր կայքի նյութերի առավել արդյունավետ տրամադրման ապահովման՝ հաշվի առնելով Ձեր բրաուզերի և համակարգչի յուրահատկությունները,
- հանրային իրազեկման,
- մեր կայքի օգտագործման վերաբերյալ վիճակագրական տվյալների հավաքման,
- նորությունների բաժանորդագրության,
- նվիրաբերողների աշխարհագրական տեղաբաշխման վիճակագրական տվյալների հավաքման,
- նվիրաբերությունների մասին հաշվետվողականությունն ապահովելու և Կայքի իրազեկման պատուհաններում գետեղելու համար:

### **ՈՒՄ ԵՆՔ ԲԱՅԱՀԱՅՏՈՒՄ ՁԵՐ ՏՎԱԼՆԵՐԸ**

Ի լրումն ասվածի՝ մենք կարող ենք բացահայտել մեր հավաքած և/կամ Ձեր տրամադրած անձնական տվյալները աշխատակազմի անդամներին, Հարթակին ծառայությունների մատուցման պայմանագրով սպասարկող կողմերին: Մենք կարող ենք նաև տրամադրել Ձեր տվյալները Օրենքով սահմանված կառույցներին:

Մենք կարող ենք առանց սահմանափակումների հրապարակել նաև մեր այցելուների, նվիրաբերողների մասին ***համահավաք ամփոփ*** տեղեկատվություն, ինչպես նաև տեղեկատվություն, որը չի բացահայտում որևէ անհատի կամ սուբյեկտի ինքնությունը:

Մենք չենք հրապարակի Ձեր որևէ անձնական տեղեկատվություն այլ կերպ, քան վերը նշված կարգով:

### **ՏՎԱԼՆԵՐԻ ԱՆՎՏԱՆԳՈՒԹՅՈՒՆ**

Մենք տեխնիկական և կազմակերպչական միջոցներ ենք ձեռք առնում՝ պաշտպանելու համար մեր ստացած անձնական տեղեկատվությունը կորստից, սխալ օգտագործումից և չարտոնված փոփոխություններից, և պաշտպանելու դրա գաղտնիությունը: Մենք պարբերաբար ստուգում ենք մեր անվտանգության ընթացակարգերը և գործածում համապատասխան անվտանգության նոր տեխնոլոգիաներ և եղանակներ: Մենք նաև օգտագործում ենք տվյալների փոխանցման կողավորման ժամանակակից միջոցներ: Ցավոք, ինտերնետի կամ բջջային հեռահաղորդակցության հարթակների միջոցով ինֆորմացիայի փոխանցումը ամբողջովին անվտանգ չէ: Քանի որ մենք չենք կարող երաշխավորել այդ կողավորման տեխնոլոգիաների լիարժեք անվտանգությունը, խնդրում ենք զգույշ լինել, երբ առցանց անձնական տեղեկություն եք տարածում:

## **ՀՂՈՒՄՆԵՐ**

Կայքը կարող է պարունակել հղումներ, որոնք Ձեզ թույլ կտան հեշտությամբ այցելել այլ Կայքեր: Այդուհանդերձ, այդ հղումների միջոցով Կայքից հեռանալուց հետո խնդրում ենք նկատի ունենալ, որ մենք որևէ վերահսկողություն չենք իրականացնում մյուս կայքերի նկատմամբ: Հետևաբար՝ “Հայ Հերոս” կայքը չի կարող պատասխանատու լինել այն տեղեկությունների պաշտպանության և գաղտնիության համար, որոնք Դուք հաղորդում եք մյուս կայքերին, որոնք չեն ղեկավարվում սույն գաղտնիության քաղաքականությամբ: “Հայ Հերոս” հարթակից ցանկացած տեղեկատվություն այլ տեղերում հրապարակելու դեպքում, Դուք պարտավորվում եք հղում տալ մեր Կայքին:

## **ՓՈՓՈԽՈՒԹՅՈՒՆՆԵՐ ԳԱՂՏՆԻՈՒԹՅԱՆ ՔԱՂԱՔԱԿԱՆՈՒԹՅԱՆ ՄԵՁ**

Ժամանակ առ ժամանակ մենք կարող ենք վերանայել մեր գաղտնիության քաղաքականությունը: Մեր Կայքի օգտատերերի անձնական տեղեկատվության նկատմամբ մեր մոտեցումներում շոշափելի փոփոխությունների դեպքում՝ գաղտնիության նոր քաղաքականությունը կհրապարակվի սույն էջում: Գաղտնիության քաղաքականության վերջին լրամշակման ամսաթիվը նշված է սույն էջի վերնամասում: Խնդրում ենք պարբերաբար հետևել այս էջին՝ դրանում կատարվող փոփոխություններին իրազեկ լինելու համար: